

[www.BibleForChildren.org](http://www.BibleForChildren.org)

# Matewu 8



Muhhuba lebutatu kwaka kunanzano webukwe kuKana muGalile, mayi baYesu baka baliko, naYesu bo waka akokewa kunzano webukwe, kose nebadiyiwa babe bo.



Wayini yakati yapela, mayi baYesu bakati kuwunli,  
"Abatjina wayini." Meyabe bakati kubalanda,  
"Muthame tjimwe netjimwe tjaanobe amubudza itjo."



Yesu wakati kubalanda, "Hhadzani hali idzedzi nevula." Bakadzihhadza dzikati tupu. Akakotjiti kubali, "Tjitjelani imwe, mundopa mbhati wenzano." Bakayeta bejalo.



Mbhati wenzano wakati alabila vula yakayayetiwa ikabe wayini, akasaziba kuti wayini iyeyo inobva poni (nekutobe balanda ibo bakayitjela bakabeziba), mbhati wenzano wakadana nkwaha akati kuwunli, . . .



. . . "Umwe newumwe nhu unopa banhu wayini inozipa kutanga, kukotjiti hapa banhu ban'wa batjilaladza, kukotjihha inoyipa; koga iwe watjengeta wayini inozipa kukadza kukabe ngwenuwali."





Yeli ndilo jenamiso lekutanga lakayetiwa na Yesu  
kuKana muGalile elakidza gudzo lile,  
badiyiwa babe  
bakagalamoyo muwunli.



Yesu wakati engina mun'umba  
yaPhethiro akabona mezwale babe  
balilele, begwala bugwele  
gweluhhahhamo; . . .




. . . wakababhata luboko, bakabva banaya,  
bakamilika bakawumpakulila zodliwa.



Kukati atjibe madekwana, banhu bakahhisa bose baka  
begwala, nebaka baligegwe nemeyambi.

Nzi-nkulu wose  
wakakubungana  
pankoba.



Akatjidza banjinji baka begwala nghwele dzakasiyana siyana; akatata meyambi njinji asingadzibvumile kuti dzilebeleke, ngobe dzaka dziwunziba.




Banhu bose bakayedza wunkunha,  
ngobe masimba aka ebhuda muwunli  
ebatjidza bose.



Kwakaswika banhu bana, baka bakasenga  
umwe waka alobgwa negulukadzi.




Bakakon'wa swika pedlo na Yesu  
nenta yebunji gwebanhu,  
bakakwakwamula imwe ntha  
yedenga len'umba bakajitisila  
nhobo yaaka alilele  
payili unogwala.




Yesu wakati ebona galamoyo kwabo, akati kunghwele,  
“Nkololo, wayetigwa  
mazwibhatigwa  
matjinyo awo.” “Ndoti  
kukuli, milika utole  
nhobo iyo uyende  
kunzi uwo.”



Paakangina mukepe, badiyiwa babe bakawuntobela.  
Tjinyolotjo, kwakamilika dutu  
linabuhongola mugungwa,  
kwekuti kepe tjaka  
tjatjihhaligwa nemabundo  
evula; koga iye  
waka alilele.



Eba eti kubali, "Eke banhu bana bugalimoyo gutukununu. Nentha yeni muhla?" Eba emuka etjemela mhopo negungwa; kube kunyalala. Bakatjenama beti, "Unhu wakatini iwhoyu, unowhiligwa nemhopo kose negungwa?"



Ngobe Ndzimu wakada hango  
zwingapa, kwekuti wakapila Nkololo  
uwe uyega, kuti nhu wose  
unogalamoyo muwunli asife koga  
abe nebutjilo gusingapele.

40

60



BaRoma 3:23 ngentha yekuti wose nhu wakatjinya,  
unotayila swikilila gudzo leNdzimu,

BaRoma 6:23 Ngobe mbhayilo wejinyo lufu, koga tjipo  
tjempho tjeNdzimu, butjilo gusingapele muna Khirisitu  
Yesu He wedu.

BaHhebheru 9:27 Ngobe senhu wose ewhofa kan'ompela,  
hule kwayikoko kotobela tongewa,

baEfesu 2:8,9 Nentha yengoni makatjidziwa  
nekugalamoyo; koga ikoku akuta nentha yethama kwenyu,  
itjipo tjeNdzimu-kusi nentha yemihingo, kuyetila kuti  
kusitongobe nenhu unozwikudza.

BaRoma 10:9,10 Hapa ubvuma nenlomo uwo uti, "Yesu  
ndiHe," ugalamoyo mumoyo uwo kuti Ndzimu  
wakawumusa kubafi, nowhotjidziwa.



Ngobe nemoyo uwo nogalamoyo ukalulamisiwa,  
unobvuma nenlomo uwo ukatjidziwa.

Johane 3:16,17 Ngobe Ndzimu wakada hango zwingapa,  
kwekuti wakapila Nkololo uwe uyega, kuti nhu wose  
unogalamoyo muwunli asife koga abe nebutjilo  
gusingapele. Ngobe Ndzimu wakatuma Nkololo muhango,  
esingahhile tonga hango, koga kuti hango  
itjidziwe muzina lile.

1 Johane 5:11-13 Igogu ndigo busupi, kuti Ndzimu  
wakatipa butjilo gusingapele, igogu butjilo gumuNkololo  
uwe. UnaNkololo unabutjilo; usina Nkololo weNdzimu  
haana butjilo. Ndomukwalila ikoku imwi banogalamoyo  
muzina leNkololo weNdzimu, kuyetila kuti muzibe kuti  
muna butjilo gusingapele.



Matewu 8-9; Mako 1-2, 4; Luka 4, 8; Johane 2

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: E. Frischbutter; Sarah S.

Kalanga NT (kck) The Word For The World International

<https://www.bible.com/bible/860/GEN.1.KBTP>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

